

瘍

醫

大

全

瘍醫大全目錄

卷十一

眼目部

五輪圖

十二經絡圖

八廓圖

內障門主論

附方

外障門主論

附方

爛弦風眼門主論

附方

拳毛倒睫門主論 附方

雀目眼門主論 附方

熱錫爆竹湯火傷目門主方

風絲入目門主論 附方

沙塵入目門主方

烟渣入目門主方

麥芒入目門主方

目部望色辨症法

湯醫大全卷十一

蕪湖顧世澄練江氏纂輯

增錢之栢東陽


全校

男 槐燮用和

眼目部


凡屬金針眼科內障外障風火時眼一切風絲塵沙
入目皆彙於此部中以便檢閱參治

五輪圖




銳眦即小屬心與小腸
 眦眦屬脾胃名肉輪
 瞳人屬腎名水輪
 黑珠屬肝名風輪
 白珠屬肺名氣輪
 大眦屬心名血輪

圖 絡 經 二 十



足太陽膀胱經
 手少陰心經
 手太陰肺經
 足厥陰肝經
 足少陰腎經
 足太陰脾經
 足陽明胃經
 手陽明大腸經
 手少陽三焦經
 手太陽小腸經
 足少陽膽經

八廓圖



命門寄心經

兌 澤廓 津液
 離 火廓 胞陽

巽 風廓 養化
 坤 地廓 水穀
 坎 水廓 會陰

乾 天廓 傳道
 震 雷廓 關泉
 艮 山廓 清淨

大腸寄肺經
 三焦雖屬津液其經經在鉅骨

內障門主論

秘笈曰夫瞳仁輕膜裹水照徹四方乃先天精液肇始之元靈人身之至寶如日月麗天著明而不可掩者也

心經屬火大小眚赤脉侵睛癢澁眵如針刺痛諸般候心家虛熱急須知若還小便赤與淋內多蘊熱醫休遲齬肉侵睛無別證膀胱陽躋邪在茲小眚有疾莫亂治三焦小腸二經全

肝經屬木應鳥珠淡紫色今病全無黑乃本經受風

尅眼見花飛是肝虛昏暗酒色勞傷過紅多滯血
客熱聚眼珠疼痛並黃色肝血不足補乃愈

脾經屬土上下胞紅腫皆因風熱饒紫色滯血多凝
積羞明怕日濕熱招兩胞浮腫緣何病皆因脾胃
不調和內生斑瘡並覷肉兩經積熱血難消眉骨
眼眶酸與痛風痰作楚或房勞上胞腫澁能睜視
色慾傷神爲阿嬌拳毛倒睫無他故脾肺虧兮急
早療

肺經屬金應白珠純淨光潔則無虞若還紅腫過高

起肺氣壅塞大便遲淡黃虛熱黃困濕鼻塞涕淚
風受之

腎經屬水應瞳仁黑如椒子光有神散大膽腎虧損
致驚恐卒然有此因黃翳遮睛昏且淚腎虛時見
黑花頻赤屬積熱暗酒色緊小精虧急養身

足太陽膀胱見證頭痛兩邊最甚眼淚淋漓時流睛
明穴潰膿病翳從內眥出來攀睛胬肉遮橫白睛
積血凝滯赤脉多生眼中小便頻數不休癰疽陡
起熱盛上胞內眥紅腫偷針諸侯皆應

足陽明胃經見證齒痛頭疼相併黃膜上冲睛瞳翳
下而上遮定蜺肉時時嘔吐下胞紅腫爲病

足少陽膽經見證口苦時多重聽銳眥赤脉翳生脇
痛皆由膽病

手太陽小腸見證銳眥赤脉爲病翳自抵過上生白
睛血灌紅勝小便赤且澁兮急投湯散須慎

手陽明大腸見證白睛腫赤爲病眵多又兼流淚便
結下之須迅

手少陽三焦見證銳眥赤脉牽定翳自客主斜下投

劑宜清應病

足太陰脾經見證九竅不通爲病怠惰嗜卧兼之羞
明怕日相應上胞浮腫堪嗟睨閉不開若瞋癰瘡
風粟面黃發熱吐瀉無定倒睫拳毛內生幾般醫
者當認

足厥陰肝經見證瞳仁散大多瞋腦脂直貫睛中時
或眼跳無定黑珠突然高起不能正視珠痛淚出
昏眩可嗟花陷皆由虛甚瞬眼或多雀盲黑花空
中掩映目恙有一於此便是肝家之病

昏如霧露見花飛瞳人緊小腎精虧或亦有人病散
大神水混色光漸微冷淚腦脂直流下頭疼足冷
虛極推膜入水輪諸證候足少陰腎經所歸

手厥陰經心包絡神水緊小急投藥赤環如帶口且
乾手心發熱病將作

翳自抵過而下生赤脉如絲直貫睛健忘更爾多驚
悸眊躁緊急不分明痛如針刺時或癢血灌瞳仁
昉目盲諸般證候因何起手少陰心經所成

不疼不痛自昏朦薄霧輕烟漸漸濃或見蠅頭飛亂

出或如懸囂在虛空此舛病證如何得肝臟停留
熱毒風大呌大啼驚與恐腦脂流下黑睛中初時
一眼先昏暗次第相牽與一同萬般苦楚空憔悴
祇緣肝氣不相通日久雙眸全黑暗內障根深藥
罔功

內障上篇

內障圖形廿四般後學醫人貴得傳金針宜用與忌
用認證糊塗怎得痊開針遠近須依法針形各異
莫同焉病虛胎產兼懷孕遇此休針是要言不風
不雨兼吉日清齋七日念須虔安心定氣耐煩守

避風靜卧禁人喧冷熱調和虛共實寬懷忘慮色
憂煎見血莫驚須下手裹封密室煖爲先忽然撞
起膜重上服藥三旬見朗然七日解封能視物花
生水動莫疑猜還睛丸子常常服百日功完復舊
元

內障中篇

內障金針下了時將息之方要脩知嚴冬緊裹常溫
煖夏日休將絛扇施頭眠軟枕須安穩仰卧三朝
莫厭遲封後忽然微有痛腦風牽動莫他疑或針
或撥依經法痛極仍將艾熨之嘔吐豉椒湯急服

定神安胃在良醫起動勞神俱謹戒顛翻倒卧莫
從伊七朝薄粥溫溫食振着牙關事不宜大小便
時須緩緩毋令自去要扶持高聲喊叫兼因氣驚
動睛輪見雪飛収心莫憶陰陽事夫婦恩情切斷
離一月不須淋洗臉針痕濕着痛微微調養五七
睛光復寡慾清心病自除

內障下篇

天有二曜人有兩目因酒色度過調攝失宜惱怒所
傷肝氣冲動腦脂流下其目系繫於腦帶於肝腦
中惡氣從目系而入於瞳仁面前久而脂堅凝結

成翳遮蔽瞳仁故此失明俗呼爲瞳仁反背瞳仁者非人之人乃仁德之仁也一名眸子無手足如日月之形前後俱有明光豈有反背之理惟是腦脂灌睛遮蔽瞳仁名爲內障用金針撥開腦脂瞳仁浮上腦脂沉下如雲開見口頃刻明矣

夫人之眼白睛如杏子烏珠如杏核瞳仁如杏仁所謂眸子也白睛最堅屬肺金內藏護睛水如鷄子清之稠濃瞳仁托在正中窠內烏珠屬肝外結一層浮皮內含清氣包定瞳仁在內一泓一點之微

者乃先天元氣結而成者也是皆生生自然之道
目乃肝之竅其形圓大上有一蒂一系繫於腦內
連風府自夾脊而下貫通肝臟肝藏血血榮於目
年少之人水火既濟陰陽升降故光明年老氣血
虧損故昏暗

瞳人根源論

李東垣曰五臟六腑十二經脉三百六十五絡其氣
血皆上於面而走空竅清陽之氣上散於目而爲
睛走於耳而爲聽因心煩事冗飲食失節勞役過
度以致脾胃虧弱心火盛心火者君火也主人之

神宜靜而安相火代君行令相火者心包絡也百
脉皆榮於目既勞役運動勢乃妄行百脉沸騰邪
害空竅瞳仁中神水既無滋養反受火熾則漸漸
昏耗而失明矣

內障青色者不針白如粉牆者不針黃心內障者
不針頭風內障者不針驚振內障者不針瞳仁散
大者不針瞳仁緊小者不針

內障陽看小陰看大者可針其障務宜收放方好若
不收放者不針障翳白色可針白帶微藍可針此

二色多糙米色者可針藍色者可針其障嫩故也

金

針

式



凡金針之柄以紫檀花梨或犀角爲之長二寸八分如弓絃粗兩頭鑽眼深四分又用上好赤金子抽粗絲長一寸用乾麪調生漆簍入眼中外餘六分畧尖些不可太鋒利恐傷瞳仁平時以鷲毛管套之藏於匣內臨時供於

佛前用之無有不驗者也此龍樹王菩薩神針式也


凡針內障逢朔望日對神對佛通鄉貫姓各祝救用針者念咒七遍書一道符封針臨

用必先齋戒設供香燭之類又書符一道取太
 陽神光接其眼光亦念咒大呌
 救苦救難南海觀世音菩薩其針白轉令針者心
 膽大開不驚世書後三光符下針宜用開成除
 收日並天氣晴明忌用子日
 咒


清淨眼紫金燈洒洒水離黃沙滿藏經千眼千
 手千龍王文殊大士騎獅子普賢菩薩騎象王
 日神夜神雲膜內障盡消除強中強吉中吉波
 羅會上殊利眼中一切得光明清淨不般若
 波羅蜜

開針三光符 畫符默念三句咒
 取日光 接神光 明目光

開針三光符



封針符



神水封針

若針後疼痛 急取生艾或乾艾同生葱一把
 搗銅鍋內炒熱布袋盛熨太陽穴三五次即止

用水法 凡撥內障先汲井水以盆盛注於桌上令

病者以面就盆用針之人側坐以手蘸水於眼上

連眉骨淋洗使眼中腦脂得水乃凝以水洗透數

十次爲度然後用針庶幾隨手而下不粘滯矣

撥內障手法 醫者用金針撥眼必要知其八法然
六法易傳而二法巧妙在於醫者手眼祇可意會
不能言傳所以難傳難授眼如隔垣見物手如探
囊取物方能撥下翳來人之兩眼乃水之精如無
二法難以用針治之 凡用金針先令患者以冷
水洗眼如冰使氣血不得流行爲度先用左手大
指次指按定眼珠勿令轉動次用右手持三稜針
離黑珠米許針一穴白珠甚厚必要手準力完重
針則破然後用金針斜回針首入穴內觀看針首

至患處卽止如過毫釐傷於心脉其人卽嘔然後
用手法將針輕輕推壓其翳自然抱針方許撥下
送至白珠藏在護精水內盡處然後出針針不宜
出早若出早其翳卽復則前功盡廢矣

一要用水洗灌得法

二要知氣血凝與不凝

三要知三稜針開鋒遠近

四要知進針手之輕重深淺

五要知用針推壓

六要知藏翳送至護精水底

七法入法巧妙出於人心應乎手眼難以筆墨

相傳針畢時依法封固調理得所自然痊
矣

封眼法 預収芙蓉半老綠葉晒乾爲末井水調勻以綿紙剪如茶鍾口大圓塊先將敷藥敷眼眉稜上及下眶以紙一層封貼藥上又上藥一層蓋紙一層封定候將乾以筆蘸水潤之日夜數次夏月倍之一日一換仰面而卧或將針眼向上就枕防脂泛上也凡起坐飯食及大小二便俱宜緩不可驚動三日內只用稀粥熟爛餽饌不可振動牙齒三日後開封視物服藥靜養爲主

分別大小圓翳內障論 古人論內障有大圓翳小

圓翳人秉父母胎元瞳仁大小不一瞳仁大者其翳大瞳仁小者其翳小腦脂流下經年凝結而成翳也醫者用針自有淺深翳大針淺翳不能落翳小針深豈不損精誤治者可不慎乎

凡鑱洗查逐日人神所在其經忌用刀針

翳障復起宜平肝順氣其障自落如不能落復針亦可

凡針後忌用川芎恐行血作痛如痛用熟地當歸白芍之類

瞳仁清白珠紅用桑白皮防風柴胡赤芍

瞳仁內有油氣不清當平肝氣用柴胡枳殼

若作惡心用藿香厚朴半夏淡豆豉

頭痛太陽痛用防風白芷羌活石膏

太陽痛甚用炒鹽熨之

白珠赤用柴胡紅花赤芍歸尾桃仁桑白皮

瞳仁散大用白芍茯神人參麥冬當歸棗仁北五味

凡受熱致瞳仁小者用當歸川芎黃連麥冬茺蔚子

柴胡山梔

大圓翳 按此證先由腎水虧弱後由惱怒傷肝蓋

眼屬臟腑而以肝腎爲本腎乃水之源眼爲水之

精色慾過度腎水衰弱不能生養肝木亦不能榮

養睛珠加以七情暴怒心胸熱氣上衝入腦腦脂

不固下注於目凝滯遮蓋於瞳仁前結成內障起

時眼前常見垂螭飛蠅薄霧輕烟不疼不痛漸漸

失明先從一眼久後相傳其脂青白色所稟父母

胎元瞳仁大者其翳卽大故曰大圓翳陰看則大

陽看則小初覺宜服中和養胃湯

柴胡當歸白芍
甘草葛根人參

黃芪白朮五味子羌活防風石斛夜光丸人參山藥牛膝
白茯苓口乾加黃連黃芩
兔絲子五味子麥門冬羚羊角肉苁蓉川芎生地
天門冬白蒺藜枸杞子青箱子草決明杏仁石斛
枳殼犀角熟地白茯苓年久宜用金針撥之
甘草防風黃連肉苁蓉

小圓翳

按此證與大圓翳受病相同俱因慾怒致

傷肝腎熱氣上衝腦脂下注結成青白翳遮蓋瞳

仁夫瞳仁神水通注於瞻臟腑平和氣血循環瞻

汁通流於上則能鑑照萬物肝腎既傷熱氣上衝

不散膽汁不能流通是以脂凝成障名曰小圓翳

者所稟父母胎元瞳仁小者脂即小故也雖見三

光不辨人物初起宜服冲和養胃湯石斛夜光丸
年久宜鼠尾金針撥之

浮翳內障 按此證初起由色慾過度耗竭腎水水
虧火旺攻翳於目視物卽昏昧如霧露中全不疼
痛漸因七情鬱結縱慾傷肝以致熱氣上冲於腦
腦脂灌注睛內結成一塊光亮如銀箔色浮在瞳
仁上先從一眼久後相傳不見三光金針難撥初
起宜補腎平肝 治全上

沉翳內障

按此證皆因腎經虧損肝心火盛致目

視物昏昧眼前常見黑花腦中惡氣漸漸侵瞳二
三年外凝結成翳青白色如沉水中若見三光宜
針撥之 治全上

澁翳內障 按此證皆因淫慾傷腎縱怒傷肝肝腎
兩傷以失生化之源致令氣血虛弱不能榮養雙
眸日久邪熱炎上腦脂下流結成一塊遮蓋瞳仁
黃色而大凝滯無收吸故曰澁翳初患全前治久
後不宜針撥

滑翳內障 按此證皆因肝腎皆虛致使腦脂灌注

珠內形如水銀珠子流動收吸不定不疼不癢祇因昏花而起日久相傳漸漸失明雖見三光不辨人物治全前如年久用蓮子金針撥之

散翳內障 按此證皆緣五臟虛勞酒色過度加之憂思暴怒肝氣上衝腦中惡氣流下凝滯瞳仁之前結而成翳或濃或淡厚薄不一其色黃白散大而無收吸雖見三光不宜針撥不能治也

冰翳內障 按此證皆因肝腎虧損風火上炎攻衝痰動以致頭旋連臉眉骨額角偏痛眼中赤澁或

黃白黑色不定或夜見烟火久則結成內障其脂如欲解之冰又如碎磁之狀故曰冰翳初起宜驅風痰服半夏白朮天麻湯

人參白朮半夏天麻乾薑陳皮神曲澤瀉蒼朮

麥冬黃芪

神效補肝散

夏枯草香附各二兩甘草黃柏黃芩

四錢爲末每服三錢茶下

不宜針撥

金星內障

按此證初患頭痛臉覺微腫目中赤色

常見黑花撩亂瞳仁漸昏漸小內有腦脂如金箔色不宜針撥亦不能治皆因水衰火盛所致水本尅火水衰不能尅火反受火制故火愈熾而水愈

竭矣初覺以養血涼血補腎清火爲主大抵此證最爲難治

橫劒翳內障 按此證皆因肝腎虧敗房勞不節以致昏暗不痛不癢先從一眼久後相傳兩目俱損如劒橫於瞳仁之上雖見三光不宜針撥初起宜石斛夜光丸

棗花翳內障 按此證皆因肝腎不足水衰火盛頭痛腦旋見花飛黃黑不定瞳仁周圍如鋸齒故曰棗花翳初起微覺昏暗皆能視物宜服中和養胃

湯石斛夜光丸俱去五味子加菟蔚子爲君服之
可保如久後內有一點藍星則不能治亦不宜針
撥

偃月翳內障 按此證乃肝虧腎損虛火上炎致使
腦脂流下遮蔽瞳仁漸成白色如初十夜之月半
薄半厚半明半偃先從一眼久後相傳瞳仁俱損
不宜針撥

驚振翳內障 按此證皆因肝腎二經虛勞偶遇打
撞驚動腦脂流下漸漸昏朦成翳久則白色亦有

自下而入肝經者亦有隨驚隨散者瞳仁無收吸
雖見三光不宜針撥治全圖翳

雷頭風內障 按此證初患頭痛足冷惡心嘔吐腦

內如雷鳴致使瞳仁散大漸漸失明不覩三光皆

因暴怒傷肝體氣虛弱風寒之氣所侵逆於三焦

攻衝於頭因頭爲諸陽之所會邪正相搏伏而不

散故發痛如雷鳴胃爲寒氣所衝故惡心嘔吐瞳

仁神水乃氣之聚也氣爲怒傷故散而不聚初起

急服附子猪苓湯

人參白芍白茯苓羌活熟地猪苓熟附子香芎散川芎

香附石膏白芷薄荷川石斛夜光丸倍加五味子以收

散大痛極不止用乳香定痛散吹鼻乳香沒藥雄黃石膏川芎

各五錢煨硝一分五厘研細久則不治

綠風內障 按此證初患頭額痛急兼半邊頭痛鼻

內如烟惡心嘔逆足冷眼內見紅黑皆因肝腎俱

虛氣血虧損瞳仁漸漸散大神水淡綠色大抵受

病與雷頭風相同但因頭痛暴怒過極熱氣上衝

腦中惡氣流於珠內與神水攪混而變成綠色故

謂綠風內障久則不覩三光則不能治初起先止

頭痛服附子猪苓湯候痛止服冲和湯加減夜光丸去肉蓯蓉俱倍加五味子

黃風內障 按此證初患之時頭痛乃是肝腎虧虛風毒相侵又兼脾肺壅熱白睛黃色先患綠風內障嘔吐傷胃久則變爲黃色此乃不治之證也

烏風內障 按此證皆因色慾過度以傷元氣元氣一虛心火亢盛致眼前常見黑花眼眶鼻梁眉骨俱酸疼白睛高起數粒色青如豆瞳仁漸漸緊小視物不明瞳仁屬腎水水本尅火反受火制故昏

暗緊小火尅肺金白睛屬肺火尅則護睛水滯結
隱起高低不平飛花酸痛等症乃火氣拂鬱血虛
挾風故也初起宜服神效補肝散選奇湯陳皮半
夏甘草
羌活白茯苓黃芩
防已薑一片全煎散風補血後服補中益氣湯石
斛夜光丸益氣滋陰不見三光不能治也

黑風內障 按此證皆因氣體虛弱肝腎不足兼以
七情鬱結邪火上盛逆衝於頭目以致頭旋腦痛
眼中昏澁常見黑花漸至瞳仁散大失明瞳仁實
氣聚而成火盛氣散故失明矣此不治之證也

五風變化內障 按此證皆因氣血兩虛臟腑俱勞
毒風上攻腦熱相侵頭旋腦痛嘔吐故此失明不
可治也

瞳仁散大內障 按此證皆因肝腎虧損况怒傷肝
恐傷腎肝腎受傷則瞳仁散大蓋瞳仁屬腎乃氣
之所聚也怒傷則氣散初起昏如霧露中行漸空
中有黑花靚一成二久則光不收遂爲廢疾蓋神
水漸散終至盡散初宜冲和湯夜光丸去肉荏蓉
倍加五味子收之俟少有光兼服千金磁硃丸先

礞石置火中醋淬七次晒乾另研極細末二兩辰砂細末二兩生神麴三兩外以一兩水調作餅煮浮爲度搜入前藥和煉蜜爲丸如桐子大每服十丸加至三十丸空心米湯吞下凡服此藥後俯視不見仰視漸覩三光此其效也此乃虛證鎮墜空心服此午後服石斛夜光丸之藥不宜服早恐墜元氣若氣爲怒傷散而不聚者服益陰腎氣丸熟地山藥山萸肉生地白茯苓牡丹皮澤瀉五味子當歸柴胡煉蜜爲丸辰砂爲衣每服五七十九空心淡鹽湯下此壯水之主以鎮陽光氣爲怒傷散而不聚之故也然必兼磁珠丸服之庶爲易效又爲物擊神水遂散此不治之證也

瞳仁緊小內障 按此證因腎水虧弱相火强盛水

弱火盛則水受火制故瞳仁漸漸緊小瞳仁者腎

水也初起無痛癢眵淚之證但覺羞澁眊眊瞳仁

毛缺肝水青黃宜服還陰救苦湯川芎甘草黃柏
桔梗柴胡防風

羌活黃連知母黃芩紅花生地龍膽草當歸
尾連翹升麻細辛蒼朮藁本白朮煎服禦抑相

火夜光丸補腎壯水去五味子加菟蔚子
畏其酸有收之意若日久

不節色慾不避勞苦忽加眉骨酸痛必致小如菜

子內凝腦脂或黃或白永不能治

小兒胎元內障 按此證皆因母懷孕時有暴怒驚

恐兼飲食乖違將息失度母食麵食五辛灸燂之

傷醫木全 卷十一 內障 丰 顧氏秘書

物併服諸毒丹藥積熱在腹內攻小兒損目及生
二三歲後不言不笑都無盼視父母始覺及長成
方知內障內有翳青白色遮蓋瞳仁若辨三光有
用金針可撥者大抵小兒內障多難治療

經曰目者五臟六腑之華榮衛魂魄之精常營也又
曰諸脉者皆屬於目目得血而能視故臟腑精氣
皆上注於目而爲之睛白睛屬肺黑睛屬肝瞳人
屬腎上下胞屬脾兩眦屬心而內眦又屬膽與三
焦上綱屬太陽膀胱小腸下綱屬陽明大腸五臟

五色各有所司心主赤赤甚者心實熱也赤微者
心虛熱也肝主青青甚者肝熱也淡青者肝虛也
脾主黃黃甚者脾熱也淡黃者脾虛也目無精光
及白睛多而黑睛少者肝腎俱不足也晝視通明
夜視罔見者稟受陽氣衰弱遇夜陰盛則陽愈衰
故不能視也赤脉從上而下者屬足太陽經從下
而上者屬足陽明經若上眼皮而下出黑白翳者
屬太陽寒水從外至內者屬少陽風熱從下至上
而綠色者屬足陽明及肺腎合病然翳膜者風熱

內蘊也邪氣未定謂之熱翳而浮於外邪氣既定
謂之冰翳而沉於內邪氣若深謂之陷翳此宜升
發以消之更有疳眼者因肝火濕熱上衝脾氣有
虧不能上升清氣故生白翳睫閉不開眵淚如糊
久而膿流遂致損目雀目者上午能視臨晚失明
此因肝氣衰弱也蓋木生於子旺於卯絕於申所
以午上而能視至申酉而失明況目得血而能視
午後肝氣漸衰且陰虛則火必盛弱陰不能以勝
強火故夜轉劇天明以陽用事陽主動濁陰暫消

故稍明大要治疳養血兼理脾胃爲主更有目閉而不能開者有因過服寒涼之劑致使陽氣下陷不能升舉而然有因胃氣虧損眼睫無力而然並宜升陽益胃更有暴赤腫痛風火熾甚者有因多淚羞明肝心積熱者一宜疎風散火一宜涼血清肝若風沿爛眼者是膈有熱也若時時作癢者是膿潰生蟲也若眼睫連劄者是肝經風熱也若初生目黃壯熱二便秘結面赤眼閉者此胎熱也更

有痘後精血旣虧餘毒上侵及斑瘡入眼者有視

物不明不腫不痛但見黑花而無精光者此皆肝
腎並虛也若外無翳膜內障如雲視物不見俗名
青盲者若非腎水枯涸則必久病成疳脉洪大者
養血爲先脉沉細者補陽爲主蓋如天無日色雖
有火鏡何能使晶光相射乎若吐瀉後而始生膜
障不能開舉及無精光者此精滋瀉脫元神已亡
也難治更有熱毒眼小積毒眼小者更有時氣流
行而腫赤者然治法總忌寒涼及單行發散蓋寒
則凝熱則行而風則燥耳況目病雖由火熱然多

因初感風寒、腠理閉密、火熱不得外泄、上走空竅、而爲病。若散其外感、則火熱泄而痛自止。兼之養血、涼血、退翳諸劑、必兼風藥、始能上達頭目。且火鬱則發之、以減其盛勢。若槩用寒涼、則邪愈凝滯、亦不可發汗。汗則津液耗而血亦燥、燥則其疾愈甚矣。更有目疾、血瘀血熱而投以破血涼血之劑者、或投以寒涼損脾之劑者、皆爲不可。蓋脾爲至陰、歸明於目。況目得血而能視、血少則熱火愈動、而目愈昏。夫血者、木之精脉也。精光者、木之華葉。

也脾胃者木之根本也故莫若以上病治下之法
用引火藏源之方服於食前峻補其肝腎則濁陰
降而上熱自除下陰足而目光自返陷翳自浮冰
翳自化倘翳膜過厚者另以養榮藥中佐以消障
疏風之味服於食後則標本俱得其功上下咸受
其益矣錦囊

張蘊山曰睜眼見黑花宜服人參固本丸主之

眼科秘覽

又曰眼目昏花視物不明皆由陰虛火旺宜用知柏
地黃丸加甘菊花治之

明目第一法、節省酒色、戒惱怒、夜勿看書、減思慮、專
內視、簡外視、晨興遲、夜眠早、少用辛燥物、

明目要訣、夜卧睡醒、開目轉睛、四十九遍、常常左右
轉之、永無目疾、

病目勿藥自愈法、夜卧小便時、用力將眼睜開、轉運
瞳子、左右各十數遍、然後存想下邊、不數日、火即
下、如跣起小便、更妙、尋常如用此法、能令火不上
炎、

心法曰、皮翻證、由胃經血壅氣滯而成、小兒多有之、

眼皮外翻如以舌舔唇之狀

又曰患目昏者不拘時候靜坐閉息以兩目輪左轉七遍右轉七遍緊閉少時忽大睜開久行勿間則鬱火濁陰運出清陽精氣獨光

又曰治翳當辨其起自何經及翳形何色各加引經藥如東垣治一婦綠色自下而上知其陽明來也但綠非五臟正色殆肺腎相合而爲病也乃就畫家以黑調膩粉合成色諦視之與翳同則肺腎爲病無疑矣乃以瀉肺腎之邪爲君以陽明藥爲使

服之甚效他日復病者三其所從來之經與翳色各異因思必經脉不調以致目病不已詢之果然遂以養血滋陰藥作丸服之而永不發觀此則辨色分經詎可忽哉

又曰治眼有以三稜針刺出血而愈者卽內經血宜決之之義然必初起血盛而熱者宜之在太陽陽明二經方可蓋二經氣血俱多故耳他經出血其病轉劇故曰刺太陽陽明則目愈明刺少陽陽明則目愈昏

東垣治一人因用豬肉煎餅與蒜醋同食復大醉而
卧熱炕次日瞳子散大視物不真諸方不應乃以
酒炒芩連瀉熱爲君歸身生地養血涼血爲臣五
味子酸取瞳神散大人參二冬地骨皮生甘草枳
殼苦甘補中抑氣爲佐柴胡引經爲使服之頓愈
丹溪治一壯年人早起忽視物不見就睡片時畧見
而不明食減倦甚其脉緩大重則散而無力意其
中濕所致詢之果卧濕地半月乃以白朮爲君黃
芪陳皮爲臣附子十劑而愈皆治本之神見也

海藏治一女及笄而病目三年紅腫難開服散風清
熱之藥反生翳從銳眥遮瞳神右目之翳從下而
上其脉短而實潔古曰短爲有積經曰從內走外
者少陽病從下上者陽明病乃少陽陽明有積滯
於中抑遏臟腑以致清陽不升濁陰不降乃以去
積之藥加黃連龍膽草每早化服一丸一日便下
黑血塊如豆大而甚堅硬由是翳退目明矣

馮魯瞻曰予幼年讀書過勞而常目病今看書寫字
畧多便易於舉發發時惟以八味丸加牛膝五味

子者每日食前各進五六錢一日共有一兩五六錢矣外用黃連錢餘入銅青分許煎濃汁洗淨兩三次俟紅障少淡再入人參二三分於內溫水洗之則光還而能視物如故矣

澄
曰凡治時眼七日內切勿就用當歸菊花若用早便難速愈此專門眼科秘法也

內障門主方

退翳

當歸身

蒼朮

蘇薄荷

甘草

川芎

白蒺藜

黃芩

酒炒

穀精草

白芍藥

紅花

木賊草

桔梗

各等分水煎服

又方

柴胡

木賊草

防風

黑山梔

白蒺藜

紅花

穀精草

荆芥

菊花

蘇薄荷

赤芍藥 各等分

白水煎

又方

沙苑蒺藜

白菊花

穀精草 各二兩

真蘇薄荷

一兩

右爲細末煉蜜爲丸鹽湯送下三錢

又方

白菊花

玩月砂

草決明

菟薊子

白蒺藜

夜明砂 各等分

研細煉蜜爲丸如彈子大白湯調服

真陰虧乏眼目昏花或雲翳遮睛

甘枸杞

一觔酒浸透分四處一川椒全炒一
小箇全炒一芝蔴全炒一川棟全炒

白朮

白茯苓

熟地黃

各一兩

製畢研細煉蜜爲丸鹽湯送下三錢

翳障昏花

懷生地

半觔酒洗竹刀切片微火烘乾

烏犀角

鎊不見火一兩五錢

白蒺藜

炒去刺

杭白芍

酒炒

杜仲

去絲土水炒

玩月砂

微焙各四兩

當歸身

酒洗過焙乾

釵石斛

酒洗蒸一時焙乾

湯醫大全

卷十一

內障

方

去

白菊花

去心蒂

懷牛膝

酒洗焙乾

懷山藥

微炒各三兩

防風

酒洗焙乾

川芎

各二兩

蟬

蛻

去砂土頭翅足一兩

右爲末煉蜜丸早晚白湯送下三錢

羊肝明目丸

羚羊角

白菊花

去葉蒂

北五味

青箱子

牡丹皮

各一兩

白蒺藜

炒去刺

密蒙花

嫩黃芪

蜜拌炒

遠志肉

甘草湯浸焙

天門冬

麥門冬

去心

白芍藥

酒炒

兎絲子

各一兩五錢

酸棗仁

炒

杜仲

鹽水拌炒斷絲

白茯苓

乳拌三次

於白朮

東壁土炒

懷山藥

炒

人參

各二兩

黑羊肝

一具去淨膜

澤瀉

瀉

鹽水拌炒八錢

當歸身

酒洗二兩五錢

生地黄

膏用

砂仁五錢全酒煮爛搗

香附

童便浸一宿晒乾用醋拌炒各四兩

黑羊肝用木賊草二兩全酒煮爛去木賊草將

肝全上藥磨細末煉蜜爲丸每早白湯送下三

錢每晚白酒送下二錢

幼年腎虛眼花

北五味

打匾焙

麥門冬

焙各二兩

甘枸杞

黑芝蔴全炒去芝蔴

白蒺藜

隔紙炒

釵石斛

酒蒸焙各四兩

魚

膠

一觔切蛤粉炒成珠

研細蜜丸每早淡鹽湯送下三錢

中年眼目昏花

蔓荊子

煮熟炒晒乾研去油

草決明

微炒各半二兩

研細用沙苑蒺藜半觔熬膏杵丸食遠白湯送

下二錢

退翳障並治赤眼

熊膽少許淨水畧調開取去筋膜塵土入冰片一

二分如癢淚加生薑汁少許以銅筋蘸點

眼生外障視物昏黑

猪膽一個傾入銀器中微火熬膏加水片少許點
又方

猪膽外膜晒乾撚線煨灰加水片研細點之
眼珠上白星

東丹一分 輕粉 麝香 各五厘

研極細左眼吹右鼻孔右眼吹左鼻孔

眼目生星暫時得者可退

白蒺藜三錢水煎洗之三日卽無星

外障翳膜昏爛眼藥

宣黃連

甘菊花

當歸

各一錢

黑山梔

黃芩

連翹

木賊草

黃柏

荊芥穗

防風

各五分

大黃

二錢

共入砂鍋內加童便七碗煎濃汁去渣作七分以蘆甘石四兩研爲粗末入銅杓內炒熱入藥汁一分滾乾又投汁一分滾乾如此七次已畢研極細加礪砂燈心各一錢牛黃雄黃各三分珍珠五分全研千餘下再加熊膽五分冰片麝

香各一分自然霜一錢又研無聲爲度磁瓶密貯挑少許點大眼角一日二次連點七日

製自熬霜法 新磚一塊磨光以桑柴燒紅放半平處皮硝一升洒熱磚上待硝煖盡冷定用布一塊裹磚縫好投糞窖內三七日瀋取出冷水洗淨用大綿紙包好放熬淨處候磚上生白霜以鴨翎掃收

翳障

人指甲刮末人乳調點

病後生翳大人小兒皆宜 救急方

白菊花蠅蛻等分爲末入蜜少許水煎服

杏仁膏

藥匾杏仁一粒去皮尖細磁器內研細滴熱人乳
二三滴浸片時絞去搯點眼角內數次翳即去矣

鷺翎丹

諸種目疾屢試神效兼治眼漏亦效

粉盧甘石

三兩用川連二兩龍胆草二兩煎汁待
甘石煨赤滓汁內以酥爲度研如飛塵
仍投前汁內晒乾

官礪砂

二錢

新珍珠

一錢

真血珀

片腦

熊膽

各五分

右各味研至無聲卽入前汁內搓成如線細條
暇乾以鷺翎管貯用時取一條夾眼角內自化
沁入一條可治數人

點眼

蕤

仁

去淨油一兩用秦皮煎湯洒濕安平底碗
內用艾圓三枚各包川椒一粒燃着薰之
再放瓦上燂乾研極細入後藥

硃

砂

飛一錢

礪

砂

五錢

麝

香

五分

共研極細點之閉目一炷香爲度

點眼

蘆甘石 三錢

新珠子

礪

砂

口含吐去
澀水

琥珀

各七分

真蟬酥

烘去油

冰

片

各一分

兒茶

烘去油
三分

麝香

二分

硃

砂

磁粉

煨紅淬人乳黃連汁內七次
各五分

右各乳至無聲爲度和勻點之

眼生蘿蔔花神方

取極大白蘿蔔一枚剗空入鷄子白一枚種土內
待其開花結子後取起取出鷄子白研細加蘆甘
石煨過一錢熊膽五分冰片一分五厘研絕細末

以蜜和點眼一日一次七日全好

退翳駱肩山

夜明砂

無名異煨

龍膽草

青蛤粉

穀精草 各三錢
蘆薈 一錢

各研末用牙猪肝一個不見水竹將藥末散入
肝內用線縫好放砂鍋內或蒸或煮以肝熟爲
度食之忌生冷蔥蒜椒薑發物

清心明目丸 濟生

補心養血清神長智潤肺利竅聰耳明目

生地酒洗

遠志甘草湯
泡焙石菖蒲

川連

當歸身酒洗甘菊

麥冬

甘草各一兩
五錢甘枸杞二兩

煉蜜丸如桐子大每服七八十丸臨臥燈心湯

下

地黃丸

眼睜痛肝虛羞明

生地 釵石斛 熟地 元參

各等分煉蜜丸茶清食遠服二錢

明目奇方

此方乃東郊省充二公合議而成治頭風之藥
以之治目纔能清上依方服之果獲神效至重
者不過四十貼全好

石膏

一錢五分

蔓荊子

研

羌活

防風

荊芥

當歸

各八分

青箱子

研

鷄冠子

研

草決明

研

連翹

各七分

龍膽草

木賊草

各六分

桔梗

白芷

北細辛

各五分

藁本 四分 甘草 三分

白水煎食後服

血虛下淚羞明怕日雙目昏花

香附 一兩 夏枯草 五錢

研末淡茶調服三錢

又方

甘枸杞 六兩 甘菊花 一兩

煉蜜丸空心白湯送下三錢

冷淚

臘月不落桑葉煎水頻洗最效

紅絲絆睛

蘆甘石

整塊者火煨紅 淬車前草汁內九次

淬黃連湯內九次

淬黃芩湯內九次

淬黃柏湯內九次

淬童便內九次

五製已畢研細水飛晒乾又研綿紙篩加

熊膽

硃砂

梅片

再研千轉以無聲爲度磁瓶密貯每用少許點兩眼角內或用烏羊膽汁調收亦妙

七十二種眼症眼藥

宣黃連

家菊花

各四兩

當歸

湯洗

三兩猪肉

用清
水十碗煮濃汁濾去渣再入銅鍋入紋銀一兩藉氣熬至砂糖色冷定加

蘆甘石

製過二兩

石

燕

磨汁半杯

冰

片

四分

麝

香

六厘

白蜜

一匙

羊

肝

煨灰三錢

鴉

毛

一根成珠

炭

火

上燒

調勻撚成條收貯勿令洩氣每用少許乾點眼角其藥自化不必水調

病後兩目昏視物不見

元眼核二枚剝去外面漆皮水磨濃汁塗兩眼胞

神效

疳疾眼生翳膜並肚大泄瀉面黃肌瘦神效 用鶴仙

肉

菓

麪包煨二個

史君子

去殼五個

胡黃連

白茯苓

炒去刺

蘆

薈

各一錢

共爲末鷄肝一具酒漿少許全搗爛去渣入前

藥末調勻蒸熟食之喫二三服立愈

疳疾並出痘壞目神方

青浦徐氏傳

蜜蒙花

酒洗淨

穀精草

蟬

蛻

去翅足

望月砂

各一兩

共爲末用雄猪肚一個竹刀剖開將藥末摻入

水煮熟飲汁食肚盡一料全愈

撥雲錠子

劉長隨從都中盤山得來

治一切眼疾又能開瞽復明神效

蘆甘石

將蘆甘石揀去隔石選潔白者先以紙包石用醋壘頭上泥入桶內以童便浸透鍊熟少少糊在紙外又以火硝末滾在泥毬上外再以厚泥包圓大約蘆甘石一觔可分作四五個毬每一觔蘆甘石用火硝一兩研細滾這四五個毬爲度毬成晒乾如有縫以泥補之另以磚砌一大爐架火將毬放炭上煉一天申刻火將完可將毬取起翻轉入爐添火加炭過夜不必守之隨爐中炭火化完爲度一爐可煉蘆甘石二三觔每蘆甘石四兩用川黃連龍膽草各五錢河水五碗浸一夜煎數沸去渣濾淨

澄清將蘆甘石煨紅傾入藥汁內取起又
煨又淬以汁盡為度藥水內落下蘆甘石
再取乾藥水俱收入蘆甘石內為妙每料
只用製蘆甘石三錢再加

熊膽

五分

冰

片

二厘二分五

白礪砂

三分

麝香

五厘

硃

砂

水飛三分

活烏鴉翎

二寸二分

右為細末

用川芎當歸赤芍藥生地黃薄荷防
風防已川黃連甘菊花龍膽草各五

錢木賊草黃芩黃柏羌活大黃白芷各二錢河
水六碗浸一日夜炭火熬出汁來去渣澄清撇

淨再用文和煎藥末和勻搓成條子重二分用
火熬成膏

鷺毛管收藏黃蠟塞口

凡點眼時以清水或

人乳或津唾潤濕點眼閉目少刻神效臨卧點

之更妙或用人乳化開塗眼胞上下揉入眼內

多塗過夜卽日見效

羊肝退翳丸

治雀盲眼一切昏花老眼

懷生地

熟地黄

白茯神

人乳拌蒸晒

懷山藥

炒各三兩

甘枸杞

夜明砂

淘淨各四兩

木賊草

蜜水拌炒

密蒙花

蜜拌炒

青箱子

各二兩

草決明

二兩五錢搥碎用水浸拌炒

川黃連

八錢白酒浸一宿微炒

黑羊肝

一具去外膜蒸熟

將前藥爲粗末全羊肝搗勻再烘晒令乾再磨
爲細末用煉蜜爲丸如桐子大每服二三錢空
心淡鹽湯送下 忌蘿蔔胡椒雞鴨蛋

黑珠凹下蟹睛

鱖魚血晒乾研細以筆蘸點三次全愈

退翳

鮮鷺不食草

又名土芫荽

揉軟塞鼻退翳最速如無鮮

者陰乾揉塞亦可但初塞必噴涕不已不必疑懼

赤眼翳膜

葛仙翁

大訶子一枚白蜜磨點

小兒麤翳未堅者不可混點眼藥

珊瑚研如粉每日少少點之自愈

退翳羊肝丸

張九臯

夜明砂

木賊草

白蒺藜

炒去刺

蟬蛻

當歸

各二兩

共爲細末用蒸熟黑羊肝二兩切片晒燥爲末
水法疊丸每服三錢開水送下

退翳神方

木賊草 火煨

石决明 火煨

穀精草 火煨各一兩

黑羊肝

一具用銅刀切片放蒸籠內蒸熟以麻線串掛陰乾不可經鐵器

共為細末每早晚用紅糖湯調下

眼藥

蘆甘石

煨淬黃連湯中七次

珍

珠

各一錢

白礪砂

牛黃

琥珀

冰片

雄黃

熊

膽

各五分

蘇薄荷藥

硃

砂

各三分

共乳極細點之其筋膜即下重者漸落

眼藥

海螵蛸

洗淨泥砂刮去硬甲用黃連黃柏黃芩大黃各等分煎汁煮螵蛸取起曬乾

研細加水片點之

清肝補腎羚羊丸

陳尚書

治少年老年眼目視物不明者

羚羊角

一枝鎊研紙包縛有乳婦人乳上一宿次日研一兩

鹽

二兩煨

犀角尖

五錢製全羚羊角法 百草霜

飛細參錢一

健豬肝一具煮熟搗萬下和丸每服二錢空心

白湯送下

老年眼昏 何龍泉

谷精草不拘多少切成段全黑羊肝一具切片入
銅小鍋內每早老人自己炒之其味入鼻眼昏自
亮

琥珀膏

點七十二眼症

麝仁

去油膜
二兩

大珍珠

琥珀

象牙末

硃砂 水飛

白礪砂 各二錢

玄明粉

二錢五分

麝香

冰片 各一分

共乳極細煉白蜜調膏點之

珊瑚膏

治二十年昏眼能見日光燈頭者可治

蘆甘石

火煨水淬七次

黃

丹

水飛各一兩

乳

香

沒藥

海螵蛸

水飛

硼

砂

各一錢

青

鹽

水飛五分

冰

片

三分

麝

香

二分

煉白蜜和膏點之

初起痘翳

白水牛虱子取血點翳上

琥珀散

治諸般外障紅赤羞明風熱火眼血縷癰瘡翳
膜眼弦赤爛生眵流淚

蘆甘石煨一兩琥珀細竹紙包水片三分

共乳極細點眼

推雲散

治諸般外障雲翳蟹睛血翳赤膜

石蟹滾水泡去夾石並砂土用竹黃連去須

白丁香紙包搥碎再研至無聲爲度金錫堅重有金

各一錢官粉

青鹽

銅內水化開澄去砂土火上煎乾

赤石脂

銅綠

古錢上者刮下研細水飛晒乾各三分

礪砂

乳香

透明者箬包四五層銅鍋內清水煮數沸換水煮去油

沒藥

製全上熊膽去皮膜各四分

當門子

枯礬

冰片各一分

共乳細用一秘方加

蛛黃一錢竹蟻五十個

黃連膏

蘆甘石

煨二兩

石蟹

二錢

琥珀

珍珠

熊膽

各一錢

冰片二分

麝香 三分

先將甘蔗二枝去皮切作薄片用清水四五碗煮二碗
將揼搗汁濾清入川黃連二兩熬一碗去揼濾
淨加川蜜二兩又熬至大半碗入前藥共一處
研至無聲

秘精兔絲丸

治內障昏花翳障腎氣虛損目眩耳鳴四肢倦
怠夜夢遺精

懷山藥

以七分打糊

白茯苓

石蓮肉

各二兩

兔絲子

煮餅五兩

右用山藥糊加蜜丸空心臨臥俱用鹽湯送下

三錢

明目夜光丸

張中景治眼奇方

生地

酒洗

釵石斛

當歸

酒洗

兔絲子

酒煮搗爛

青箱子

枸杞子

各二兩

人參

山萸肉

去核

懷牛膝

酒洗

粉丹皮

元參

各一兩

白茯苓

山藥

各一兩五錢

密蒙花

菊花

各五錢

北五味 七錢

煉蜜丸空心開水送下三錢

神效眼藥

麝

仁

上白者佳去淨油二錢

冰

片

一分

硼

砂

三錢

真牛黃

麝

香

各五釐

共乳極細骨簪蘸點

昇靈藥法

水

銀

一兩

枯

礬

焰

硝

各一兩六錢

先將硝礬共研細入兩耳小鐵鍋內鵝翎掃圓

上以指按五指眼如梅花樣將水銀均分於內
上以粗碗蓋之週圍以綿紙撚濕水封口再加
研細軟石膏按緊於碗底上上以大鐵錘壓之
於風火爐上微火煨二炷香但見石膏上有氣
出卽壓之再加武火一炷香取起冷定刮下研
收 昇黃靈藥加官粉一兩六錢 昇紫靈藥加陀
僧一兩六錢 火候宜小

昇白靈藥法

生 鉛

水 銀各一兩 礬 砂三錢

先將鉛化開入水銀卽取出爲末再入礪砂共研聽用

食鹽

火硝

枯

礬

各五錢

先將鹽硝礬三味共研一處下鍋炒煉乾再研細分作二股取羊城罐將一股裝在下將汞鉛礪裝在中間再將一股裝在上面用鐵盞盞罐口上以鐵梁壓住鐵線紮定軟石膏細末醋調封口陰乾爐中用鐵釘三根爲三足置罐於上先文後武煉三炷香取起冷定開看刮下研細

用

煨時若罐口有烟出用新筆蘸水塗之

煨蘆甘石法

取潔白輕而有聲的蘆甘石搥黃荳大用竹紙包四五層以線縛圓外用紫土入新綿搥勻包在內約一指厚爲圓毬陰三五日收靜處候乾將乾用線絡掛簷前晒極乾透擇吉日用鐵線縛數道平地上砌磚爐留門搗風爐中用大釘三根爲足置炭火將毬懸爐上炙一炷香方可下爐煨三炷香

先取童便一小缸入黃連黃芩黃柏各六錢浸半
日濾清將毯徐徐入童便內浸一宿取出研細水
飛再研聽用

靈光散

治外障癰瘡扳睛齙肉蜆肉蟹睛俱宜點之

蘆甘石

煨一兩

靈

藥一錢重者
或二三錢

共研極細末必須調點患處少許將目閉久候
痛止藥性散盡方可撥去用絹拭去令淨以熱
水洗之 凡病重者連點七日眼胞發腫方可

歇藥避風調理七日看患處有病再點 但此
藥最痛若要除病須耐心方效癰瘡覘肉重者
點淨靈藥少許將目久閉性退之後化而爲眵
虛弱者不可點

八寶散

治諸般外障翳膜花陷癰瘡並風眼癰眼紅澁
羞明眵淚

蘆甘石

煨一兩

頭號藥

三錢

共研極細用

點翳方

用蘿蔔子一粒研細去殼以燈草蘸唾津調點翳
上不過一二次卽落

外障門主論

天行赤眼外障 按此證初患之時皆因天行時氣

受之者兩目赤腫眊燥緊澁羞明頭痛淚出鼻塞

眇多臟腑秘結宜芍藥清肝散

荊芥防風柴胡薄荷川芎赤芍羌活

炒梔知母甘草桔梗大黃 大便不秘者服羌活勝

風湯

羌活前胡荊芥枳殼防風白朮黃芩柴胡薄荷川芎桔梗甘草白芷獨活

赤眼生翳外障 按此證皆因患赤眼之時不避辛

苦外受風日內多房勞耗傷元氣以致纏延不愈

時常赤腫或癢或痛淚出難睜風熱伏積不散上

胞凝血磨擦睛珠漸生翳膜宜鑱洗去上胞瘀血

暴風客熱外障 按此證皆由肺火壅塞熱氣上衝

以致白睛陡紅腫壅起烏珠內陷日夜腫脹疼痛

淚出難睜宜服清金桑皮散

桑皮元參赤芍防風菊花杏仁黃芩枳殼

桔梗旋覆花升麻葶藶子

又肺經火盛熱結白珠紅腫微覺脹

疼近黑珠邊起一二小泡大便乾結者宜瀉肺湯

黃芩羌活桔梗元參大黃芒硝地骨皮

兩皆赤脈外障 按此證皆因心與小腸膀胱經蘊

熱或食五辛煎炒熱物致使亢陽上炎火氣熾盛

故大小皆赤脈貫睛兼小便澁痛紅赤如淋服八

正散

瞿麥炒梔子大黃甘草燈心
扁蓄木通滑石車前子

臉生斑瘡外障

按此證皆因脾胃二經停積風熱

作癢流淚用手搓揉或誤服寒涼之劑致使眼胞

內瘀血凝滯不散故生血縷後因勞役酒色過度

漸成堅硬疙瘩形如花椒相似內有白漿磨擦瞳

仁卽生翳膜治法先宜鑱洗去瘀血輕者羌活勝

風湯重者防風散結湯

防風羌活前胡柴胡蒼朮
黃芩黃連獨活白芍防己

紅花當歸尾甘草白茯苓蘇木此藥治上下胞內
瘀血不散並鑱洗後係從權若多服則耗血慎之

點烏金膏或靈光散俟病去大半服清熱消凝丸

治淫熱反尅風熱不散白睛如血貫有熱而血滯者川芎當歸荊芥薄荷羌活藁本菊花滑石石膏連翹山梔甘草黃芩白朮桔梗煉蜜爲丸每圓重一錢二分臨臥時清茶調服

臉生風粟外障 按此證皆因脾經受風致使血壅

熱積不散或爲病已久腫澁難睜亦與癰瘡相類

但只胞内生小窠如粟米堅硬白色磨擦睛珠淚

出澁痛漸生翳膜治法先用針刺出風粟白漿服

勝風湯

羚羊角犀角知母元參大黃芒硝黃芩桔梗防風

白翳花陷外障 按此證皆因七情五賊饑飽勞役

損傷脾胃兼之肝血不足以致睛疼如刺刺應太陽
眼睫無力常欲垂閉淚出差明珠上卽生白翳
陷下如粟米魚鱗之狀先服柴胡復生湯珠痛者
服當歸養榮湯熟地當歸白芍川芎羌活防風白芷癰澁難開服當
歸活血湯當歸黃芪甘草升麻柴胡白芷防風蔓荊子元氣虛弱者服
補中益氣湯花陷不起者亦可服

蠅頭蟹睛外障 按此證皆因肝腎俱勞火邪炎熱
之極兼之七情鬱結以傷脾土脾土旣病則失生
生之職不能含血上榮於目故睛珠疼極淚出難

睜或因暴怒烏珠上暴起藍黑翳如蠅頭蟹睛之
狀離瞳仁而起者名爲離睛蟹眼當瞳仁而起者
名爲蠅頭先服柴胡復生湯白芍川芎藁本柴胡
羌活黃芩蔓荊子薄荷獨活桔梗五味子痛不止服當歸養榮湯次服
黃芪湯神效補肝散虛者冲和養胃湯後服石斛
夜光丸俱加五味子以斂之點推雲散八寶散此
證外點內服必要積以歲月其翳方能收復亦有
不能去者

黑翳如珠外障

按此證皆因腎虛肝熱子母俱虧

其病感受大抵與前證相倣睛珠疼痛淚出難睜

羞明怕日烏珠上邊生黑翳突起如黑豆先服黃

芪湯

人參黃芪知母白茯苓遠志大黃防風地骨皮

育神夜光丸

人參生地熟地

天門冬麥門冬釵斛牛膝當歸枳殼枸杞子地骨皮兔絲子菊花遠志煉蜜爲丸白湯下

血翳包睛外障

按此證皆因脾受風熱更兼肝腎

虛勞上胞有病磨擦睛珠內因積熱外感風邪遂

使凝血不散漸生翳膜上有紅絲縱橫錯貫遮蔽

瞳仁難以視物治法先宜鑷洗去上胞瘀血先服

勝風湯兼當歸散

當歸生地熟地黃連山梔赤芍桑白皮防已龍膽草後服

石斛夜光丸點烏金膏如有客熱風痰之證則宜育神夜光丸

血灌瞳仁外障

按此證皆因肝心火盛載血上貫

目中心者君主之官神之舍也屬火宜靜或因大驚傷心大怒傷肝心神散亂以致火性妄動載血錯經妄行灌注於目遮蔽瞳仁紅色不分黑白疼痛難睜驚狂罵詈如見鬼神目乃五臟六腑之精華榮衛魂魄之所常營也亦神氣之所主也神亂則魂魄散故言狂亂見矣治法宜急砭迎香穴

在鼻

兩孔內即愈初病一二日紅色即可砭若日久如圓

眼核紫黃色則不治矣

砭法取粗茶葉簍上箬葉二片以中間硬梗為脊

剪成針長一寸四五分如劍形頭尖身闊取其至

鼻內小孔穴處即止不能往上也用時將針安放

鼻內向穴處餘八九分在外用手忽即令臥煖處

然往上一送出血數匙便勿再砭

不可驚動久睡自醒其妙如神後服川芎行經散

加五靈脂數劑行其積血自愈

雞冠蜺肉外障 按此證屬脾胃二經積熱外受風

邪致使血凝不散上胞內壅瘀血一塊軟而紫黑

色即雞冠下胞內生瘀肉一條軟而淡紅色即蜺

肉宜鑱去瘀血服抽風散

元參黃芩桔梗防風點細辛車前大黃芒硝

靈藥烏金膏

齬肉扳睛外障

按此證初患赤眼臨風不避辛苦

延久而成或因熱足下於冷水或因跣立行房致

傷陽蹠經絡者其脈起於足上行至頭面屬目內

眥此經既傷內眥即生赤脈如縷縷根生瘀肉瘀

肉生黃赤脂脂則橫侵黑睛漸蝕神水或兼銳眥

而病者合於太陽經也治法如未蝕黑珠者服勝

風湯加蔓荊子撥雲退翳丸

川芎荊芥菊花甘草黃連蛇蛻當歸川椒

蟬蛻密蒙花蔓荊子地骨皮白蒺藜木賊草桃仁
薄荷天花粉煉蜜丸重八分每服一丸食遠清茶
調下有翳米泔水調下睛昏當歸
湯調下內障者用木香湯調下
有熱者兼服還

陰救苦湯已蝕神水者另有割法詳載銀海拔萃

白膜侵睛外障

按此證皆因肺熱肝虛腎水虧弱

腎水不能生肝木故肝受肺之邪熱所尅烏珠週
圍漸生白色如翳日久漸遮瞳仁終有昏暗之患
先服瀉肺湯以瀉肺經之實熱後服育神夜光丸
加天冬麥冬滋陰補腎

膜入水輪外障

按此證皆因目病已久抑鬱不舒

更兼調理失宜房勞太過以致肝腎虧虛漸生翳膜始而藍色若蠅翅日久則白厚矣宜冲和養胃湯石斛夜光丸

黃膜上衝外障 按此證皆因胃經邪熱凝滯氣血以致白睛下邊紅赤生翳黃色冲上黑珠澁痛淚出羞明難睜脾胃屬土土色黃胃傷則土之正色見也先服防風通聖散瀉去積熱後服通脾瀉胃湯天門冬麥門冬菟蔚子元參知母黃芩大黃點琥珀散

赤膜下垂外障 按此證皆因上胞脾經風熱血積

成癰目珠被其磨擦腫痛淚出差澁不睜熱壅不能疏洩血愈凝滯不行烏珠卽生赤膜目上垂下紅色漸遮瞳仁宜鑱洗去上胞瘀血散目中瘀血宜川芎行經散點八寶散推雲散

逆順生翳外障 按此證烏珠生翳自上而下者謂之順屬脾經從下而上者謂之逆屬胃經起自脾胃證見肝經日久漸遮神水皆因身體虛弱氣血不足以致諸經感受邪熱使血凝滯不行磨擦而生翳膜此翳最難去初宜服撥雲退翳丸兼育神

夜光丸點入寶散推雲散若翳自下而上者服防
風通聖散一二劑卽去

風吹出臉外障 按此證皆因脾胃二經感受風熱
日積月累壅滯胞臉之間蓋臉受風則皮緊脾受
風則肉壅皮緊肉壅故眼皮或上或下翻轉在斜
上生瘀肉紅紫色眵淚如膿治法先宜鑱洗去瘀
血服勝風湯點烏金膏靈光散久則不可也

迎風流淚外障 按此證皆因腎肝虧損蓋肝虛則
淚不收淚者肝之液目乃肝之竅液之道也肝木

生於腎水水衰不能生木母子兩虛邪火內燔於
目外遇風吹肝木爲其搖動是以液道開而淚出
不收初起無他證惟浸浸淚出拭去又流經冬病
者多年久不分四季宜服四物補肝散育神夜光
丸若不早治兩眼俱黑色昏暗不明者生地熟地
川椒等分
煉蜜丸每早晚淡
鹽湯送下二三錢

癢極難當外障 按此證皆因心經火邪脾經風熱
久伏不散攻衝目中忽遇風邪干觸遂作癢難禁
用手揉擦亦不能止蓋癢非謂虛也乃火與風也

風觸則火發風火相併故作癢耳久則兩臉赤爛
羞澁難開眵淚若糊若胞內有瘀血宜鑱洗先服

藁本疎風散

川芎藁本羌活
防風蟬蛻細辛

點八寶散

偏睛膿血外障

按此證皆因肝火心盛積熱壅毒

烏珠內有膿自下灌上或珠高起如瘡樣流出膿
水蓋肝臟生火藏血上榮烏珠火盛氣衝血脈凝
滯不行陰陽相搏乃化爲膿發時苦頭痛珠疼外
寒內熱涕淚交流食眠不得四肢倦困昏悶俱火
之象也宜撤膿撤火服黃芪湯候膿淨次服柴胡

復生湯點琥珀散八寶散

鵠眼凝睛外障 按此證乃氣血不分混結而成初
患無痛疼但上胞腫起如豆許漸漸長大內有紫
斑大抵人身氣血不欲相混混則阻滯於皮膚之
間遂成此病初治須擇人神所在不犯之日翻轉
眼皮向外於紫斑處用眉尖刀刺破患處以犬指
捻出黃脂後服防風散結湯如初起畧覺有礙用
白酒煎消毒飲

歸尾甘草白芷陳皮赤芍防風
天花粉金銀花皂角刺 數劑

亦消夫名鵠眼凝睛者蓋鵠鳥之眼凝視不運此

病長大堅硬礙寒睛珠視物不能運動故以名之
痛極憎寒外障 按此證皆因房勞思慮以傷心腎
陰血勞役饑飽以傷胃腑陽氣氣血兩傷水火不
能升降皮膚間無陽衛外護爲風寒之氣乘虛以
侵攻衝於頭伏而不散頭爲諸陽之會邪正相搏
故頭痛不可忍目珠紅腫流淚火邪上逆不降則
陰氣觸併於下故足膝逆冷身憎寒戰治法宜補
陰降火服附子猪苓湯

打撞傷損外障

按此證皆因被物打撞手拳打着

睛珠突出一二寸者登時急用手掌擦熱托定睛珠而珠系一得熱氣自然緊縮就上仍收眼眶中但不可就洗去血外即用熟地黃搗膏攤薄絹封貼眼上日換三次服除風益損湯

川芎當歸白芍熟地藥木前胡

防風

打撞積血外障 按此證皆因被物打撞胞臉凝血

腫痛難開白睛紅如血灌服川芎行經散

川芎羌活獨活

荆芥薄荷防風白芷柴胡枳殼桔梗當歸茯苓紅花甘艸蔓荊

打刺生翳外障 按此證皆因被物打刺積血未散

或刺痕未痊久則珠上生白翳遮睛有膿血者服
川芎行經散血虛者服除風益損湯翳膜者用八
寶散推雲散緩點之

傷寒愈後外障 按此證皆因大病後清陽之氣不
升餘邪上熾不休而走空竅其病癰澁赤脹生翳
羞明頭腦骨痛宜服勝風湯升發清陽 又一證
乃因用辛熱之劑發表太過以致氣虛身弱特病
雖愈而瞳仁漸漸散大蓋辛主散熱則助火上乘
於腦中故睛散經所謂壯火散氣耳先用勝風湯

重加五味子以收耗散之氣數劑之後兼服冲和
養胃湯後用石斛夜光丸倍加五味子自愈

痛如針刺外障 按此證皆因心經潛伏壅熱風毒

上攻故病白珠淡紅流淚癰澁難開內眥時時痛

如針刺宜服洗心散

黃連黃芩桔梗大黃知母元參荊芥赤芍當歸點琥

珀散

瞳仁乾缺外障 按此證皆因腎水虧損反受火制

故瞳仁小如芥子而且缺內有腦脂凝結或黃或

白此係內障因頭痛而起故列於外障初病頭痛

難忍坐臥不寧宜補腎清肝退火爲主久則不見
三光不治也

停肉瘀血外障 按此證皆因連患時眼未愈不避
勞苦見風太早以致脾胃受風肝氣不和使瘀血
凝滯胞臉之間兩胞腫澁眵淚膠粘先用鑱洗服
勝風湯點琥珀散若不愈點烏金膏靈光散

羞明怕日外障 按此證皆因病日久延不愈鬱火
內炎邪風外客致使脾家感受積伏於胞臉之間
但胞臉屬脾蓋脾統血邪氣既盛則血無所歸故

見陽氣光明禁不能敵是以噫淚交作眊瞤羞明
怕日難睜宜服瀉脾湯黃芩桔梗蒼朮梅
仁大黃車前甘草勝風湯
點琥珀散

肝經積熱外障 按此證皆因肝家勞苦蘊積風熱
兼以七情之氣鬱結不散衝於腦攻於目致目赤
色生翳或聚或散時發時好初覺頗輕年久漸重
宜勝風湯點琥珀散並八寶散

熱毒癰疽外障 按此證皆因過食五辛煎炒炙煇
之物或熱水洗浴太過熱毒上攻蒸氣入腦致生

癰疽其病自上胞內眥起紅腫疼痛卽服消毒飲
輕者可以內消重者可以外托或上胞或白睛出
膿者可保無虞但肝經黑珠出膿者則損目失明
若服消毒飲出膿之後身體虛弱者服補中益氣
湯加減用之可也

夜間珠痛外障 按此證皆因肝經血不足肝氣壅
塞兼以寒氣相乘以致血病不行夜間珠痛頭疼
淚出不止筋脉俱痛蓋目爲血脉之宗又爲肝經
之竅繫於腦帶於肝肝藏血氣順則血行循目系

上榮目中光彩而明氣逆而血病則目無所養邪
併而痛况夜屬陰正寒氣旺盛之時肝氣既逆又
遇寒陰乘之邪正相搏是以淚出疼痛治宜疏風
活血服神效補肝散

回回頭痛外障 按此證乃回教之人以水洗浴從
頭倒澆至足其濕髮漬於頭上冷氣侵入睛中以
致頭痛目系凝滯瘀血眼弦緊急大抵頭爲諸陽
之會陽爲火宜散而不宜伏目爲氣血之宗宜煖
而不宜寒既受冷濕所傷是成凝痛之病宜洗輪

散當歸白朮羌活
山梔牛蒡甘草

旋螺突起外障 按此證皆因臟腑俱勞積伏毒熱

以致攻衝於目睛珠忽然腫硬突出如癰如疽流
膿流血俱已潰損不治之症只可消腫定痛而已

輾轉關外障 按此證皆因肝臟風熱邪毒兼以

原患瘡毒餘毒未盡上攻於頭害走空竅目裏臟
腑之精凝結而成毒攻其間不卽發出自根柢底
壅長瘀肉將珠托出眶外脹大如瘤掛於額上睛
珠不能轉動瞳仁直視胞臉還自啟閉雖無疼痛

等證斷不能治日久加以七情鬱結毒邪攻急忽然痛腫破裂而已蓋直視者太陽經絕也不獨目不能治命亦隨之而傾

胞肉凝脂外障 按此證皆因脾胃二經感伏風熱

淫邪凝血在內不散攻於上下胞紫黑浮腫閉不

能開如膠粘膩先服祛風散

黃芪茯苓當歸元參蒼朮白芷防風羌活

菊花荳蔻子
藁本甘草

鑱洗瘀血服勝風散點烏金膏並靈

光散

婦女經水過多外障

按此證皆因行經去血過多

或山崩漏血產後下血過多以致肝脾虧損蓋肝
藏血脾統血二經既傷則血少火盛遂有土炎之
患攻衝頭目致令頭痛目暗珠疼淚流赤澁生翳
如粟米魚鱗陷下先服芎歸補血湯富歸川芎生
地天冬熟地
白芍防風甘四製香附丸酒鹽童便醋四製香附
草白朮牛膝當歸白芍熟地川芎人
參黃柏白朮澤蘭葉益母草煉蜜丸每服
三錢空心白湯送下一方少人參白朮
散八寶散
點琥珀

婦人經血逆流外障 按此證皆因心脾傷損凡室
女童子積想在心不得遂志思慮過度多致勞損

心神男子則神色敗女子則經水閉邪火上炎逼
血錯經妄行逆注於目烏珠上下紅如血灌甚者
烏睛週圍如贅肉生起若血翳包睛相似須服通
經破血湯川芎生地黃連甘草連翹蘇木甘菊花
歸尾赤芍黃芩羌活大黃紅花劉寄奴
元明粉使翳膜自消而經血調順後點琥珀散並
木賊草
八寶散

小兒疳眼外障 按此證皆因過食生冷麵食兼之
饑飽不勻以致脾胃傷損日積月累釀而成病膜
理不密令目怕日羞明眵淚流膿珠痛生翳或陷

下或生蟹睛腮下癰瘰口疳好啼善食肌肉消瘦

身熱發黃肚腹痛疼治當理脾胃平肝木切忌寒

凉通利之劑先服茯苓燥濕湯人參白朮葛荆子羌活甘草白茯苓

防風前胡枳殼獨活柴胡人參啟脾丸人參白朮茯苓山藥

蓮肉陳皮澤瀉甘艸山查肉用荷葉煮老米九味

糊丸如桐子大每服三五十九清米飲送下

送若初起目瞪無神睛綳如蠶腹腹大下痢紅白

乃不治之候不久當殞

小兒胎元外障 按此證皆因其母懷孕過食五辛

熱毒之物或浴水過熱感受熱毒攻及小兒之目
致生下時兒目卽病或一二月而病或百日之外
始病皆係胎毒未散其證疼痛淚出赤澁難睜羞
明怕日烏睛生翳突起如黑豆甚則紅腫不開眵
淚如糊宜服除熱飲甘菊花茺蔚子知母黃芩木
賊草元參大黃防風竹葉土
片爲引燥濕湯亦有食乳母熱毒之乳而病者

小兒斜視外障 按此證皆因痘後痧後風邪入腦

致令目系帶轉故睛珠不能正視亦有驚振所傷

者宜服消風散防風通聖散

荆芥薄荷桔梗川芎
白朮石膏甘草大黃

防風連翹黃芩當歸白芍滑石山梔芒
硝水煎食後服大便不實者減硝黃
劑
兼養血之

外障門主方

服礬法

如遇每年常患火眼之人傳服此法奇驗

每逢冬令交四九第一日起每早吞生明礬五七分如此九日可保一年不患火眼 將礬打碎揀去大塊掃去細末只取勻淨小塊約五七分開水一鍾先喫一口嚥乾喉舌將礬置於手掌心內送下喉間再用開水吞之倘有未曾嚥下之礬用水漱吐出則不瀉矣

又方

用生紅棗去核納皂礬少許捏緊入火煨存性泡
開水洗火眼如神

又方

川黃連一錢

生明礬八分

大黑棗一枚去核

水一鍾煎洗

又方

王瓜一條去穰納皂礬少許化水以水洗之

又方

防風

薄荷葉

當歸

杏仁

朴硝

川黃連

燒

鹽各等分

枯礬

銅青

硼

砂各少許

右爲末每用三分井水浸洗

又方

大紅棗

二枚去核入明礬銅綠各三分於內紮緊濕紙包煨存性打碎川黃連三分

入絹包好水三鍾煎一半入冰片少許每日洗

三四次

又方

花 椒 七粒

川黃連

膽 礬 各一分

桑葉七片滾湯泡汁待溫洗之

又方

紅棗一枚去核入青礬一分五厘於內以火煅紅
加古錢一枚同棗入水碗中露一宿燉溫洗之

洗眼明目日期

皮硝六錢煎水

正月 初五日

二月初一日

三月初四日 五月初一日

六月初四日 七月初二日

八月初一日 九月初三日

十月初六日 十二月初五日

又方

生薑洗淨搗取自然汁磁盆貯烈日晒乾刮取磁瓶密貯每用少許點大眼角

又方

朴硝泡水頻洗一切風火濕眼可免眼角破爛

又方

小茴香 一錢

冰糖

黑葡萄乾 各二錢

銅綠 八分

明礬 六分

天水一碗或雪水浸露一宿冷洗如有翳障加

海螵蛸 去甲二錢

又方

防風

荊芥 各五分 杏仁

桃仁 各十粒

膽礬 枯礬 各一分

水一碗將藥投入隔水煮透取起洗之

又方

杏

仁

七粒去皮尖研

甘

草

一錢

入水碗內紙蓋飯上蒸再入皂礬一錢畧煎先薰後洗立消

又方

凡風熱眼作痛作癢及天行害眼赤眼風淚眼用皮硝六錢新汲水一鍾煎七分入磁器內候冷定洗眼每日洗四五次眼須微開令水入目內用中指擦五遍如癢甚加明礬一二錢泡洗卽止

又方

川黃連

皂

礬

各三分

水浸一時搽數次腫痛自消

又方

胡黃連

白蒺藜

炒黃芩

石決明

蘇薄荷

當歸

北細辛

家菊花

木賊草

黑山梔

粉甘草

連翹

蟬蛻

懷熟地

陳皮

龍膽草

右各一錢水三碗煎一半臨臥溫服戒氣惱

又方

岐天師

洗實火眼紅腫如含桃淚出不止酸痛羞明多

眵

黃連

一錢

明礬

三分

荊芥

五分

花椒

七粒

生薑

一片

水煎半碗乘熱洗之一日洗七次明日即愈

又方

岐天師

洗虛火眼紅而不痛不澀無淚無眵

人乳半鍾 生地黃二錢 明礬五厘

葳蕤仁五分去殼取仁一分研碎

水半鍾同人乳煎取藥汁少許洗七次明日愈

又方雷直君

柴胡 防風各二分 黃連三分

明礬一分 花椒三粒

水半鍾入藥飯上蒸洗眼如神一日洗三次二日即止痛

又方

張仲景

人參

黃連

明礬

各三分

大黑棗

一個

人乳

一合

水半鍾同煎二沸卽取洗眼日七次三日愈此

方洗虛實眼神效

又方

馮魯瞻

真川連

三錢

生粉草

六分

杏仁

去皮生用八粒

銅青

三分

膽礬

一分

大元棗

一枚

右味稱準不得加減分厘頭煎與二煎和勻用

新棉花收之乘熱擦眼以喉中作苦爲度餘者
曬乾可藏數十年此料可治十數人不拘風火
眼頻洗立效老眼昏花流淚者洗之如少年

又方

馮氏兒科

當歸

郁李仁

打碎

防風

各一錢

黃連

七分

荆芥

八分

膽礬

礬

明礬

各三分

杏仁

去皮尖
七粒

水煎溫和洗眼避風

又方

銅綠

生黃連

各五分明

礬

二分

朴硝

三分

防風

荆芥

各八分

當歸尾

七分

杏仁

七粒

滾湯泡透頻頻溫洗

勝風湯

何氏濟生

治風熱上攻白珠赤甚暴腫痛甚者立效

白朮

土炒五分

柴胡

七分

枳殼

炒

羌活

白芷

川芎

獨活

防風

前活

薄荷

桔梗

各四分

芥

甘草

各三分

黃芩

六分

杏仁

去皮尖炒三分

水煎服

爛弦眼加蟬蛻

去足翅

僵蠶

炒各六分

赤腫作痛

生地酒浸搗爛厚塗眼上

又方

豆腐切片乘溫貼眼胞上

又方

雞蛋煮熟去殼剖兩開去黃乘熱合眼上

又方

臨睡以水濕透眼眶上下將眼合緊用篩過明礬末厚敷一宿腫痛自消

風火赤眼雲翳點藥

北京僧授

麝

仁

去心皮膜油淨一錢

礪

砂

飛淨二分五厘

冰

片

二厘

野苧薺

取粉五分

明

礬

極細五厘

麝

香

一厘

加金箔十張研極細磁瓶密貯點兩目背內

真人碧雪膏

治男婦冷淚常流並暴赤眼點之神效

瘍醫大全

卷十一

外障方

半

顧氏秘書

臘月內三辰日取羯羊膽十數個將蜜裝膽內綿
紙虛籠吊簷下一七日雞翎掃下膽上霜磁瓶密
貯以骨簪排點眼角內

諸般目疾

荊芥

甘菊花

白芷

蘇薄荷

防風

密蒙花

甘草

黑芝蔴

川芎

各等分

共磨細每日早中晚清茶調服二錢

點風火眼昏眼雲翳攀睛

葶藶粉

生

薑

取汁澄粉

透明礪砂

各一錢

右乳細加冰片二分又乳勻以人乳調點

目腫而痛多淚多眵紅而如有物似針觸者是實火

症 岐天師

柴胡

白蒺藜

半夏

黑山梔

甘草

水煎服

此方之妙全在直散肝膽之鬱火火散則熱自退不攻之攻勝於攻不下之下

勝於下也一劑奏功不必再服

又方

當歸 五錢

川黃連 去毛

枯礬 各一錢

銅青 三分

燒酒浸洗其腫自消其痛自止每日可洗兩三

次

眼腫不開

真三七磨汁塗眼眶一宿即愈

洗眼奇方 出道藏

張道人從道藏內檢來普濟十方不論瞽目雲霧風火昏花久洗自明

皮 硝 六錢 生桑白皮 一兩

白水煎每遇日期熱洗數十次日期開後

正月 初五日 二月 初二日

三月 初三日 四月 初九日

五月 初五日 六月 初四日

七月 初三日 八月 初十日

九月 十二日 十月 十二日

十一月 初四日 十二月 初四日

閏月全本月 已上吉星日子乃通光明也其

方千金不易屢試屢驗

洗眼仙方

防風

五分

硼砂

膽礬

各二厘五毫

同煎湯洗

洗風火濕熱紅腫眼方

南京四聖堂道士湯松阿傳

苦

參

切片

杏

仁

去皮尖研各三錢

膽礬

礬

八分

入碗內開水冲上以棉紙糊碗口紙上戳眼將病眼薰之待溫去紙洗眼仍將棉紙糊好隔水頓熱又薰又洗神驗

蕤仁膏 張氏眼科家秘

治一切風火眼遠年近日眼疾如神

蕤仁霜

一兩五錢

硃砂

水飛

黃丹

水飛

硼砂

各二錢

冰片

麝香

各五分

共乳極細用煉蜜調成膏密貯每用少許點大

小眚

洗眼仙水

阮氏秘方

膽礬

先研細

連翹

防風

荆芥

紅花

各三錢

銅綠

明礬

皮硝

當歸尾

甘菊花

赤芍藥各五錢

杏仁研

桃

仁

各四十
粉研

共入罈內用燒滾河水井水各五觔沖入藥內
重湯煮大半炷香將罈半段埋在土內蓋好每
次用藥水一酒盃以軟絹蘸洗一日卽愈

火眼

北細辛

川牛膝

龍膽草

當歸尾

各二錢

作一劑白水煎服即愈

洗時眼

方于上

山梔子

十四個

桑白皮

二錢八分

明礬

礬

七分

黑棗

七個

河水一碗煎半碗洗之

治風痰偏頭痛攻於眼目視物不明痛不可忍者

陳膽星

明天麻

濕草紙包煨

製半夏

川貝母

川羌活

防風

黃栢

厚朴

北細辛

知母

元參

前胡

痛甚加蔓荊子 白水煎十劑見效三十劑全
愈 永忌猪肉要緊

洗風熱眼痛癢並天行害眼及風淚赤眼

皮硝六錢新汲涼水一甌煎七分入磁器內放陰
涼地上出火毒候冷洗眼日三五次將目漸開少
滲硝水入目用中指擦五遍眼紅瞳子內癢甚加
明礬一二錢同泡效尤速

風熱赤眼

冬青子不拘多少搗汁熬膏淨瓶收固埋地中七日每用點眼

又方

自己小便除去兩頭者抹洗

敷火眼痛眼風熱眼

天南星

赤小豆各等分

研細生薑汁調敷太陽穴

火眼紅腫如桃

白川芎五錢

川黃連

鷺不食草陰乾各一兩

共研細末磁餅密貯口中預含冷水取藥少許吹入鼻竅吹後待口中水熱吐出卽消

眼胞腫大痛不可忍

母生薑連皮搗取淨汁枯白礬三錢調成膏塗眼胞上勿令入目立消

一切風赤眼眼皮瘙癢赤爛久治不效

臘月猪油五錢先熬化漸入白蜜少許加入白蠟三錢融化入研細輕粉一錢冷定不時搽赤皮上洗風毒赤眼翳膜

黃連

赤芍藥

當歸尾

各等分

煎水乘熱洗之日三五次

風淚眼每出則淚流盈頰

穀精草

爲君

甘枸杞

白蒺藜

爲佐

共磨細末羊肝蒸熟搗和爲丸不終劑而愈

風淚不止

盧甘石

穀研本
飛一錢

海螵蛸

五分

冰

片

少許

共乳細點太眼眥角淚卽收

爛弦風眼冷淚癢澀有虫

瘍醫大全

卷十一

外障方

朱

顧氏秘傳

母生薑一塊以銀簪插入卽拔出點眼眚角
洗眼

大紅棗七八十枚去核每個入皂礬少許於內縛
住用陳米升半煮飯將棗放飯上蒸之約一時許
棗熟收藏聽用 每次用滾湯大半鍾取棗一枚
入湯泡化先閉眼用手指蘸抹五六回後開眼洗
抹二十回一棗水可留洗五六日每日頓溫洗五
六次但洗時稍痛却有奇功

風火眼

白芷

桑白皮

銅

綠

各四兩

皂

礬

八兩

紅

棗

去皮核生的四兩
煮熟的六兩搗膏

右研細全棗膏和丸如龍眼核大每用一九開

水泡洗

洗眼

錢竹冷

赤眼紅腫或疼或癢

當

歸

一錢二分

白

芍

八分

杏

仁

或用
麋仁

黃

連

各六分

銅

青

三分

共入銅鍋內煎一二滾入人乳一酒盃乘熱洗

火眼

川芎 二錢

猪牙皂 三錢

青黛 一錢

共乳極細末左眼患吹左鼻孔右眼吹右鼻孔
兩眼吹兩鼻孔

廣大重明湯

洗眼癢

防風

北細辛

甘草

龍膽草

菊花 各等分

水煎乘熱洗

洗肝湯

暴赤眼腫痛服一二劑後服清火藥

當歸

赤芍

羌活

生地

防

風

各一錢

川

芎

白芷

各八分

生大黃

二錢

薄

荷

七分

水煎服

產婦月內眼痛

黃連研末水調搽足心或薑汁調白礬末搽足心

或天南星四錢生大黃六錢研細以醋調稠左眼

痛塗右足心右眼痛塗左足心以口中有藥味爲效

洗風火時眼

明礬

銅綠各三錢

研細用白菓肉烏梅肉杏仁各三十個研爛和丸如芡實大用紗袋包裹線紮投滾水內泡出綠水青布洗眼

眼藥

蘆甘石

傾銀罐內煅紅淬入童便內七次三錢

白礬砂

海螵蛸

河水煮七次內外極淡爲度各二錢

冰片 三分

龍膽草

二兩水洗淨入磁壺內水五鍾煮至二鍾濾過再熬成膏

用膏調勻搓如線香樣外以官粉爲衣貯於驚毛管內用時以骨簪蘸點

碧玉丹

治一切火眼並痘風赤爛弦風拳毛倒睫淚澁難開

黃連

杏仁霜

秦皮

蘇薄荷

各一兩

銅

青

三錢

明

礬

一分錢五

川椒五分 官粉一錢

共研細末用烏梅肉五錢入井水少許浸爛加白菓肉三兩同搗如泥和前藥末爲丸龍眼核大每用一丸入涼水五六匙浸化任點洗

緇眼藥

治遠年近日諸般赤腫眼疾火眼

官粉四兩 銅青五錢 白靈藥四錢

麝香 冰片各三分

共研極細用黃柏歸尾各四兩水七碗煎至半

碗去渣入廣膠三錢化開入前藥攸長條陰乾
用清水磨塗上下四圍三次待乾洗去

黎仁膏

張仁寔

治赤腫火眼爛弦風眼並疼痛不忍一切等症

麩仁

去殼去皮去心去油
取淨霜一兩六錢

硃砂

硼砂

黃丹

各二錢

麝香

冰片

各七分

共研細用上好本地蜜入鍋內熬一滾去沫候
溫入藥於乳鉢內共研成膏注磁罐內任用

火眼疼痛

錢仲林

生地黃不拘多少切薄片入火硝少許同白酒搗
爛如泥丸如蛋大敷腦後枕骨風池處將帶子紮
好片時卽止

爛弦風眼門主論

秘笈云此證皆因脾胃壅熱兼受風濕更加勞役辛苦犯色衝風日積月累外受風邪內伏積熱胞臉之內變生風粟故上下眼弦潰爛赤痛淚出差明用手拂拭不離無分四季宜勝風散加殭蠶蟬蛻或消風散川芎羌活防風陳皮甘草厚朴藿香荆芥殭蠶蟬蛻白茯苓先以碧玉丹洗之以琥珀散點之始可愈也

爛弦風眼門主方

驗方

淨皮硝

當歸

杏仁

銅青

川黃連

各六分

右爲末井水小半杯浸隔紙洗

爛弦風眼

一婦患此用覆盆子葉旋採以手揉軟入口中咀嚼而留汁聚於小竹筒內外用舊皂紗蒙在患人眼上用筆畫雙眸於紗上然後將藥汁滴漬眼下

弦轉盼間重出紗外有重數十條狀如絲色赤而
長復用前法滴上弦又出重數十條兼服消風清
熱活血之劑而愈

爛弦赤眼痘風火眼百發百中

井水河水各半壘皂礬八兩銅青二兩埋地中用
時取水洗之日久者尤效

爛弦風及痘風眼

杏仁三粒去皮尖研爛加銅綠黃豆大一塊爲末
和勻用新青生絹包此二味井水一酒杯浸片時

待水中有綠色不時洗眼一日數次數日後卽好
風赤倒睫爛弦眼

五倍子不拘多少爲末蜜水調敷

紅眼邊

蛔虫洗淨放磁盤內竹刀劈開取蛔虫腹內水點
眼邊

又方

鳳仙花洗淨晾乾搗爛臨臥敷眼胞上下不過數
次卽愈

洗方

蘆甘石

川黃連各五分銅綠三分

共槌碎清水泡露一宿頻洗三日愈

爛弦迎風淚

川黃連

明礬

赤芍

銅綠

防風

當歸各五分

煎湯洗

痘風爛弦流淚

頭胎男子頭一次臍屎擦弦上

又方

防風

山梔

皮硝

枯礬

銅綠各五分

用蠶繭五枚入藥在內仍用線縫好以井水大半碗浸之俟水現黃綠色將碗重湯燉熟洗三五次永不發

又方

鉛粉二錢

銅綠一錢

水調濃塗碗內外用碗一個盛艾團燒着以有

藥之碗蓋上俟艾烟燒盡將藥刮下每用新汲水調濃臨臥時以新筆蘸塗弦上卽愈

治殘風爛眼膏 愈陳久愈效

皮硝

潮腦

蘇薄荷葉

不研

明礬

各三錢

將薄荷疊數層於碗內前細末鋪上以小碗蓋之用麵糊口將碗置灰火上升一炷香放地上冷透開看將碗內升藥刮下如前再升再刮以黃色不用爲度加麝香冰片數厘蜜調成膏點

或將此膏加蘆甘石少許以人乳浸黃連取汁
調點亦妙

拳毛倒睫門主論

李東垣曰倒睫拳毛由皮鬆弦緊故拳毛倒入內刺
睛珠礮澁難開眼胞赤爛癢而兼痛乃脾經積熱
肝風合邪上壅所致

秘笈云此證皆脾肺虧弱又受心與小腸二經火剋
肺屬金主一身之皮毛目之上下睫之外亦其屬
也小腸屬火與心相爲表裏分上下而目之睫亦
其屬也陽火內盛致使上下眼皮內急外弛時常
赤腫難開其睫毛皆倒向裏睛珠受刺漸生翳膜

羞明砂澁生眵流淚初服無比蔓荊子湯

人參黃芪甘草

當歸黃連柴胡乾葛

蔓荊子防風細辛黃芪防風丸

人參黃芪防風乾葛細辛黃芩

甘草蔓荊子煉蜜丸每點八寶散琥珀散兼碧玉服三錢空心白湯送下

丹洗之如久病不能去用三灰膏點去拳毛後退

翳膜但此膏極猛點之必得法方妙若誤着睛珠

必致傷損不可輕施慎之

眼毛倒睫門主方

驗方

生木鱉子一個去殼研末絲綿裹好左眼塞右鼻孔右眼塞左鼻孔兩夜其毛自分上下

又方

袖珍

石斛川芎各等分研末口中噙水隨左右眼吹鼻中日二次

秘方

捉大蠅子擠血點之卽愈

倒睫拳毛

無名異研末捲紙作撚油潤點燈吹滅以烟薰之
睫毛自起

又方

鰲膽塗之眼毛卽順

雀目眼門主論

秘笈曰此證皆因腎水虧弱肝血不足乃憂思恐怒勞役饑飽過而不節皆傷脾胃脾胃受傷則陽氣下陷五臟不能相生陽衰不能抗陰故夜有燈月亦不能見也夫晝爲陽夜爲陰陽主氣而陰主血經曰目得血而能視今夜間血分當旺之時而反不能視何也難經曰血爲榮氣爲衛榮行脉中衛行脉外蓋言氣血相調無偏勝之理以偏爲病今遇夜之陰氣盛陽氣衰則血雖旺而氣不足故陽

氣不能上升而陰氣亦不能獨榮於目矣初起頭
旋常見五色不定目中困倦時暗時明宜服中和
養胃湯四物補肝散後服猪肝散石斛夜光丸
又曰高風內障此證皆因臟腑熱極氣血兩虧肝腎
虛勞致使日夜不能見物先因肝虛雀目久則不
覩三光謂之青盲不治之證也

雀目眼門主方

煮肝方

石決明

煨研細火

黃

蠟

二兩
熔化

爲丸用驢肝一葉或豬肝羊肝竹刀刮開將丸
納肝內以線紮緊煮熟露一宿清晨燉熱食之

又方

石決明

研一個煨

蒼

朮

焙研
一錢

豬肝一觔和藥末炒熟伏鍋上先薰眼然後食
肝連服三次自效

大人小兒雀目

石決明

煨

夜明砂

洗各二錢

研細用犍猪肝一兩羊肝更好竹刀剖開入藥線縛入砂鍋內米泔水煮熟臨臥時肝汁並服

四物補肝湯

當歸

夏枯草

各一錢熟

地

白芍

香

附

各八分

芎

七錢

甘

艸 三分

水白煎食遠服

猪肝散

獐猪肝尖

七個

蒼

朮

三錢

米泔水浸清晨至晚入罐內煮至水乾爲度露
一宿空心服三四次卽愈

熱錫爆竹湯火傷目門主方

秘方

治爆竹熱錫湯火傷目珠痛不可忍

蘆甘石煨一錢冰片三分

研細點上立刻止痛

風絲入目門主論

秘笈云凡因偶被飛絲沙塵入眼粘貼不出眼皮疼
痛沙澁難開以致心躁火動重手揉擦遂令紅腫
疼痛流淚羞明治法急磨金墨塗於眼內閉少刻
翻轉眼皮以骨簪撥去塵灰風絲卽愈若不諳此
法日久加之七情鬱結愈增火矣若患胞臉瘀血
凝積磨擦烏珠漸生翳膜先服車前散人參桔梗
元參茯苓
細辛赤芍五味子大黃車前子勝風湯點琥珀散可鑱洗去瘀血

風絲入目門主方

驗方

木梳垢爲小丸放眼角邊其絲卽出

又方

石菖蒲槌碎左目塞右鼻右目塞左鼻百發百中

又方

鮮薑汁少許點眼內飛絲自隨淚滾出腫卽消

又方

桑樹漿點之卽出

又方

新筆潤開眼內攪之

沙塵入目門主方

驗法

凡沙塵入目但閉目連吐唾噦幾口自出

又法 徐氏抄錄

取活蜣螂一枚持其斧於眼上影之卽出

諸物入目

淨水磨京墨以筯頭點入目中卽出

烟渣入目門主方

驗法

凡小兒好喫烟者誤犯如將別湯洗目愈洗愈疼必至眼瞎而後止須將亂頭髮或綵緩纓緩揉之即愈

麥芒入目門主方

驗方

大麥煎湯洗之即出

目部望色辨症法

目赤唇焦舌黑者屬陽毒

目裏黃色暗者屬濕毒

目黃兼小便利大便黑小腹滿痛屬蓄血

目瞑者將欲衄血

目白睛黃不渴脉沉細者屬陰黃

兩皆黃者病欲愈

開目見人者屬陽

閉目不欲見人者屬陰

睛昏不識人目反上視睛小瞪目直視目邪視目
睛正圓戴眼反折眼胞陷下此入症皆死
目睛微定暫時稍轉動者屬痰

目中不了了睛不和不明白者此因邪熱結實
在內不了了者謂覓一半目不見一半目是也
眼眶黑者亦主內有痰

直視喘滿下利者死

黑氣在魚尾相牽入太陽者死